

AURRETIAZKO KONTSULTA, BERGARAKO UDALEAN ARAUTUTAKO APARKALEKUEN UDAL ZERBITZUAREN ORDENANTZAREN ALDAKETARI BURUZKOA

39/2015 Legeak, urriaren 1ekoak, Administrazio Publikoen Prozedura Erkideari buruzkoak, berrikuntzak ezarri ditu administrazio publikoen legegintza-ekimena eta erregelamenduak egiterakoan; besteak beste, herritarren iritzia eta etorkizuneko arauak ustez ukitu ahal dituen antolakunde ordezkarienen iritzia jasotzeko beharra.

39/2015 Legeak, urriaren 1ekoak, Administrazioen Publikoen Prozedura Erkideari buruzkoak, 133 artikuluan xedatzen du:

“1.- Legearen edo erregelamenduaren proiektua edo aurreproiektua prestatu baino lehen, kontsulta publiko bat bideratuko da administrazio eskudunaren webgunearen bitartez, eta jasoko da zer iritzi duten etorkizuneko arauak uki ditzakeen subjektuek eta antolakunderik ordezkagarrienek puntu hauei buruz:

a.- Ekimenaren bitartez konpondu nahi diren arazoak.

b.- Arau hori onestea, beharrezko eta egoki den.

c.- Arauaren helburuak.

d.- Izan litezkeen bestelako aukera erregulatzailerik eta ez-erregulatzailerik.”

Bergarako Udalaren asmoa da araututako aparkalekuen udal zerbitzuaren ordenantza aldaketa onartzea. Ordenantza aldaketa honen helburua da herritarren egungo beharretara egokitzea, zerbitzu horren erabilera erraztu eta arintzeko tresnak eskainiz. Era berean, beharrezkoa ikusi da elbarrituentzat gordetako lekuen aparkatzeko denbora luzatzea

Bergarako Udalak erabaki du aurretiazko kontsulta publikoa burutzea, araututako aparkalekuen udal zerbitzuaren ordenantza aldaketa onartu aurretik eta 39/2015 Legeak ezartzen duen prozedura betetzeko.

EKIMENAREN BITARTEZ KONPONDU NAHI DIREN ARAZOAK

Bergarako Udalak ordenantza aldaketa honen bidez nahi du aparkaleku zerbitzuaren erabilera erraztu eta arintzeko tresnak eskaintzea eta elbarrituentzat gordetako lekuen aparkatzeko denbora luzatzea.

Aldatu nahi den ordenantza honen bidez, 3 artikulua egokitzen dira. Hala nola:

1.- 5. artikuluan aparkatzeko baimena sakelako telefonoan instalatutako APParen bidez egiteko aukera izango dute erabiltzaileek. Isunak ordaindu eta bestelako eragiketarik ere aplikazio beretik egiteko aukera izango dute.

2.- 9. artikuluan, aparkatzeko gehienezko denbora-tarteei dagokionean, 5. gunean (elbarrituentzat diren erabilera orokorreko aparkalekuak) gehienez 24 ordu aparkatzeko aukera izango dute eta denbora hori pasa eta hurrengo 4 orduetan ezingo dute TAO barruko elbarritu aparkalekuetan berriro aparkatu.

3.- 14. artikuluan ondorengo paragrafoa txertatu da: *Guneko biztanletzat hartuko dira ere beren zerbitzura enpresa-auto bat duten gidariak. Kasu horretan, aurreko paragrafoan jasotako betekizunaren ordezkari, eskatzailearen eta ibilgailuaren enpresa titularren arteko lan-harremana egiaztatzen duen dokumentazioa aurkeztu beharko da. Enpresak ibilgailua eskusiboki erabiltzeko*

baimena ematen diola justifikatu beharko da, lan-ordutegiaren barruan zein kanpoan. Eskatzailea gainera artikulua honetan zehazten diren kaleetako batean egon beharko da errolatuta.

ORDENANTZA ONARTZEKO BEHARRA ETA EGOKITASUNA

Aurreko puntuan adierazten da funtsean ordenantza aldaketa honen arrazoia eta beharra. Hain zuzen ere, aparkaleku zerbitzuaren erabilera erraztu eta arintzeko tresnak eskaintzea eta elbarrituentzat gordetako lekuen aparkatzeko denbora luzatzea

Aurretiazko kontsulta bukatu ondoren eta webgunearen bitartez egiten den jendaurrekoak ematen duenarekin, Udalak ordenantza Udalbatzara eramango du, bere onarpenerako. Ebazpen hau eman eta gero, onarpenari dagokion iragarkia Gipuzkoako Aldizkari Ofizialean argitaratuko da, 30 eguneko epeaz alegazioak, erreklamazioak edota iradokizunak aurkeztu ahal izateko. Jarraian, jendaurrekoan aurkeztutako alegazio, erreklamazio edota iradokizunei Udalak erantzunez behin betiko onarpena emango dio ordenantzari, hala badagokio. Alegazio, erreklamazio edota iradokizunik aurkeztuko ez balitz behin betikotzat onartuta ulertuko da ordenantza, aipatutako izapideak burutu ondoren, betiere.

ARAUAREN HELBURUAK

Ordenantza aldaketa honen bidez indarrean dagoen ordenantza egokitzen da ondorengo helburuekin: aparkaleku zerbitzuaren erabilera errazteko eta arintzeko tresnak eskaintzeko eta elbarrituentzat gordetako lekuen aparkatzeko denbora luzatzeko.

EGON DAITEZKEEN BESTE KONPONBIDE BATZUK, ERREGULATZAILEAK ETA EZ-ERREGULATZAILEAK

Apirilaren 18ko 781/1986 Errege Dekretu Legegileko 56. artikulua eta Toki Jaurbidearen Oinarriak arautzen dituen apirilaren 2ko 7/1985 Legearen 49. artikulua xedatutakoaren arabera, araudi hau jendaurrean erakutsiko da 30 egun baliodunez –iragarkia Gipuzkoako Aldizkari Ofizialean argitaratzen den egunaren biharamunetik hasita– erreklamazioak eta iradokizunak aurkezteko.

Jendaurreko epea bukatutakoan, dagokion behin betiko erabakia hartu behar da, ebatzi behar dira aurkeztu diren erreklamazioak eta onartu egin behar da behin-behineko erabakian agertzen den ordenantzaren behin betiko idazketa, haren ezabaketa edo agertzen diren aldaketak. Baldin eta ez bada erreklamaziorik aurkeztu, behin betiko onartutzat joko da ordura arte behin-behineko zen erabakia. Behin betiko erabakia Gipuzkoako Aldizkari Ofizialean argitaratu behar da eta ez da indarrean sartuko harik eta argitaratze hori egiten den arte eta Toki Jaurbidearen Oinarriak arautzen dituen apirilaren 2ko 7/1985 Legearen 70-2 artikulua ezarritako epea bete arte.

Bergaran, 2025eko abenduaren 18an.

TXOSTENA

GAIA: ARAUTUTAKO APARKALEKUEN UDAL ZERBITZUAREN ORDENANTZA ALDAKETA

ERREFERENTZIA ZK: UDBU251201

Bergarako Udaltzaingoaren bulegoan, 2025 urteko abenduaren 2an, Udaltzainburuak txosten honekin, zera ADIERAZI NAHI DU:

Araututako aparkalekuen Udal zerbitzuaren Ordenantzaren azken aldaketa 2014 urtean egin zen (2025eko otsailak 20an GAOean argitaratua). Urteak pasa dira egungo errealitatera egokitzeko ondoren zehazten diren egokitzapenak egitea erabaki da:

1.- 5. artikuluan aparkatzeko baimena sakeleko telefonoan instalatutako APParen bidez egiteko aukera izango dute erabiltzaileek. Isunak ordaindu eta bestelako eragiketak ere aplikazio berdinetik egiteko aukera izango dute.

2.- 9. artikuluan, aparkatzeko gehieneko denbora-tarteei dagokionean, 5. gunean (elbarrituentzat diren erabilera orokorreko aparkalekuak) gehieneko 24 ordu aparkatzeko aukera izango dute eta denbora hori pasa eta hurrengo 4 orduetan ezingo dute TAO barruko elbarritu aparkalekuetan berriro aparkatu.

3.- 14 artikuluan ondorengo paragrafoa txertatu da: *Guneko biztanletzat hartuko dira ere beren zerbitzura enpresa-auto bat duten gidariak. Kasu horretan, aurreko paragrafoan jasotako betekizunaren orde, eskatzailearen eta ibilgailuaren enpresa titularraren arteko lan-harremana egiaztatzen duen dokumentazioa aurkeztu beharko da. Enpresak ibilgailua eskusiboki erabiltzeko baimena ematen diola justifikatu beharko da, lan-ordutegiaren barruan zein kanpoan. Eskatzailea gainera artikuluko honetan zehazten diren kaleetako batean egon beharko da erroldatuta.*

Aldaketa horien helburua, herritarren egungo beharretara egokitzea da, zerbitzu horren erabilera erraztu eta arintzeko tresnak eskainiz. Era berean, beharrezkoa ikusi da elbarrituentzat gordetako lekuen aparkatzeko denbora luzatzea.

I Eranskinean zeaztu dira aldatutako artikulua

Dagozkion eraginak izan ditzan luzatzen dut honako hau.

Bergaran 2025eko abenduaren 2an

Ander Okiñena Perez de Albeniz
Udaltzainburua

SEUDONIMO -
074G0041 -
UDALTZAINGOA
POLICIA LOCAL
(FIRMA)

Digitalki sinatuta
norenagandik: SEUDONIMO -
074G0041 - UDALTZAINGOA
POLICIA LOCAL (FIRMA)
Data: 2025.12.02 13:32:19
+01'00'

LURRALDE BATZORDEA.-

I ERANSKINA

5. artikulua

Ordenantza honetako 3. artikuluan zehazten diren bide publiko eta aparkalekuetan aparkatu ahal izateko arau orokor eta zehatz guztiak betetzeaz gain, eta ibilgailuak aparkatzeko seinaleek adierazitakoa jarraitzeaz gain, haizetakoaren barnealdean, eta kanpoaldetik osorik ikusteko moduan, makina automatikotik hartu eta aparkatzea baimentzen duen tiketa edo baimendutako guneetarako aplikagarri den guneko biztanlearen bereizgarria jarri beharko da.

Aparkatzeko baimena, horretarako ezarritako sistemaren bidez (APP) egiten bada, kasu horretan ez da beharrezkoa izango haizetakoaren barnealdean tiketa jartzea.

Modu berezian, eta trafikoaren edota aparkalekuen gorabeherak hala eskatzen dutenean, Alkatetza-lehendakariak ordenantza honetan araututako aparkatze-baldintzak aldi baterako aldatu edo indar gabe lagatzeko egoki deritzon neurriak hartu ahal izango ditu.

Aparkaleku mugatu moduan seinaleztatutako guneetan ez dute aparkatzeko tiketik jarri beharko ondoren zehazten direnak:

- Zama lanak egiten ari diren ibilgailu komertzialak.
- Autotaxi ibilgailuak gidaria zerbitzua ematen ari denean eta bertan dagoenean.
- Larrialdietako ibilgailuak zerbitzua ematen ari direnean.
- Ibilgailu automobilak, gidaria edo bidaiariren bat barruan dagoenean eta aparkatze-aldia 5 minutu baino gutxiagokoa denean.

9. artikulua

Aparkatzeko gehienezko denbora-tarte hauek ezartzen dira:

- 2. gunea (San Martin plaza): astelehenetik ostiralera 09:00etatik 13:00etara eta 16:30etik 21:00etara, gehienez ere 30 minutu. Ezingo da gune berera bueltatu ondorengo 3 orduetan. 21:00etatik 09:00etara ez da gehienezko denbora-mugarik jartzen.
- 1. eta 3. guneak (Oxirondo plaza eta Ibargaraiko parking publikoa): Astelehenetik ostiralera 09:00etatik 13:00etara eta 16:30etik 21:00etara eta larunbatetan 09:00etatik 13:30era, gehienez ere 3 ordu. 21:00etatik 09:00etara, larunbatetan 13:30etik aurrera, igandetan eta jai-egunetan ez da gehienezko denbora-mugarik jartzen.
- 4. gunea (Ibargarai 1-2-4-6-8-10-12-14, Zurradero, T. Aranzadi, Joan XXIII.a plaza, Fraiskozuri, Irizar eta Herri Lagunak): Astelehenetik ostiralera 09:00etatik 13:00etara eta 16:30etik 21:00etara eta larunbatetan 09:00etatik 13:30era, gehienez ere 90 minutu. 21:00etatik 09:00etara, larunbatetan 13:30etik aurrera, igandetan eta jai-egunetan ez da gehienezko denbora-mugarik jartzen.

1., 3. eta 4. guneetan, eskatutako denbora igaro ondoren, ibilgailua tokiz aldatu beharko da eta ezingo da aparkatu aparkatze-aldia mugatuta duen gune bakar batean ere ondorengo hiru orduetan.

Guneko bereizgarria duten ibilgailuek 4. gunean aparkatu ahal izango dute denbora-mugarik gabe, beti ere, guneko biztanlearen bereizgarria ikusgarri izanda. Aparkatze-aldia araututa duten gainontzeko guneetarako gainontzeko erabiltzaileentzat ezarritakoa bete beharko dute.

- 5. gunea (Elbarrituentzat diren erabilera orokorreko aparkalekuak): gehienez 24 ordu. Ezingo dute TAO gunen barruan dauden elbarritu aparkalekuetan utzi ondorengo 4 orduetan
- Elbarritu txartela haizetakoaren barnealdean eta ikusgai den leku batean egon beharko da.

14. artikulua

Guneko biztanletzat hartuko dira Trafiko Zuzendaritza Nagusian artikulua honetan zehazten diren kaleetan erregistratuta dauden ibilgailuak, baldin eta jabea ibilgailuaren helbide berean erroldatuta badago.

Guneko biztanletzat hartuko dira ere beren zerbitzura enpresa-auto bat duten gidariak. Kasu horretan, aurreko paragrafoan jasotako betekizunaren ordean, eskatzailearen eta ibilgailuaren enpresa titularraren arteko lan-harremana egiaztatzen duen dokumentazioa aurkeztu beharko da. Enpresak ibilgailua eskusiboki erabiltzeko baimena ematen diola justifikatu beharko da, lan-ordutegiaren barruan zein kanpoan. Eskatzailea gainera artikulua honetan zehazten diren kaleetako batean egon beharko da erroldatuta.

Kale-zerrenda: S. Pedro, Mizpildi, Goenkalea, Artekalea, Komenio, Arruriaga, Barrenkalea, San Martin Agirre plaza, Bidekurutzeta, Ibargarai (1-2-4-6-8-10-12-14), Zurradero, T. Aranzadi, Irizar, Irala, Joan XXIIIa. plaza, Herri Lagunak, Fraiskozuri, Simon Arrieta, Kruz Gallastegi, Zubieta 2-4 eta Masterreka.

Guneko biztanlearen bereizgarria lortzeko eskaera aurkeztu beharko da ibilgailuaren zirkulazio-baimenaren fotokopia konpultsatuekin batera.

Bereizgarrian baimendutako ibilgailuaren matrikula, zein gunetan izango den aplikagarri eta zein urtetan egongo den indarrean zehaztuko dira.

Guneko biztanlearen bereizgarria emateak tasak sorraraziko ditu; Udalak zehaztuko ditu tasa horiek, urtero, ordenantza fiskalaren bidez.

Guneko biztanlearen bereizgarria lortzeko bete beharreko baldintzaren bat aldatzen bada baimendutako epean, bereizgarria baliorik gabe geldituko da eta egoera eman denetik kontatzen hasita, 7 egun naturaleko epean bueltatu beharko da udaletxera, inolako kalte-ordainik jasotzeko eskubiderik gabe.

